

Inatsisartut suleriaasianni § 37 naapertorlugu matumuuna Naalackersuisunut imaattunik apeqquteqaatinik saqqummiussivunga:

Apeqqu:

1. Nuna tamakkerlugu Ilinniarfinni ikiaroonartoq pillugu ilinniarnermi "anisitaasartut" qassiuppat?
2. Ikiaroonartoq pillugu uppersaateqarani ilinniarfinni anisitaasartut qassiuppat?
3. Ikiaroonartoq pillugu uppersaateqarluni ilinniarfinni anisitaasartut qassiuppat?
4. Imarsiornermi ilinniarsiup ikiaroonartumik testerinerup patsisaaneranut takussutissat sumi takuneqarsinnaappat/aaneqarsinnaappat?
5. 70% ilinniartut uniinartaraluartut 30%-nngorsimanerisa takussutissaat sumi takuneqarsinnaappat/aallaaveqarpat?
6. 70 % uniinartaraluartut qassiuppat?
7. Imarsiornermi ilinniarsiup kisitsisit allanngortinneqarnerinut suut/qanoq (testerinerup saniatigut) ilinniarsiup iliutsiminni allanngortippai/iliuuserai?
8. 60% ikiaroonartumik atuisuusut paasineqartut qassiuppat?
9. Ilinniarfinni testerinikkut paasineqarpat ilinniartut ikiaroorimasut ilinniarfinni anisitsinerup kingorna qanoq ilinniartut pineqassappat?
10. Anisitaasimasut katsorsarneqassappata ikiorneqassappata tamanna qanoq periarfissaqassappat/qulakkeerneqassava?
11. Qanoq sulisuusut assersuutigalugu Rektori testerisussaasoq nammineq ikiaroonartumik atornerluisiungitsoq qulakkeerneqarsimassava?
12. Sulisuusut ilinniartitsisuusut assinganik ikiaroonartumik atuisuusimanersut misissorneqarnissaannik pilersaaruteqartoqarpa?
13. Meeqqat atuariini sulisuusunut/ilinniartitsisunut test-isalernissaq pilersaarutigineqarpa?

(Inatsisartuni ilaasortaq Suka K Frederiksen, Siumut)

Tunngavilersuut:

Kultureqarnermut Ilageeqarnermut atuartitaanermullu naalackersuisup inatsisartuni oqaatigaa ullumikkut ikiaroonartoq pillugu pasilliisoqarpat ingerlaanaq anisitaasoqartartoq. Paasissutissat pingaaruteqarmata paasisaqarnerujumallunga ujartorpakka.

Nunatsinni ikiaroonartoq inerteqqutaavoq taamaattorli akiuiniarnermik ingerlatsiniarnermi tamakkiisumik isiginnilluni alloriarnissaq pisariaqarmat paasissutissanik ujartuivunga.

Kissaatigaara apeqqutima ullut qulit qaangiutsinnagit akineqarnissaat.